



www.BibleForChildren.org

Juan 14



<<Ama llakikuyëtsu. Teyta Diosmanpis y noqamanpis
markäkuyë. Teytäpa wayinchöqa atskam cuartukuna
këkan. Tsënö mana kaptinqa manam: <qamkunapaq
alistasqmi ëwashaq> niyaqmantsu karqan. Ëwarir alistar
usharirnam kutimushaq pushakuyänaqpaq. Noqa
kanqächönam
qamkunapis
kayämunki.>>



Noqaqa Jesucristuman markäkuq mayikikuna
Juanmi kä. Qamkunanöllum Jesucristupa
mandakininchö kékä.

Jipatsiyäshushqëkinöllum
noqatapis



Jesucristuman
markäkushqäpita
jipëkätsiyäman.



Qamkunanöllum pëpa nöpanman chänäpaq mana
ajayashpa shuyakikä. Teyta Diospa willakininta
willakushqäpita y Jesucristo


salvamaqnintsik kashqanta
willakushqäpita



Patmos islachö
präsu këkä.




Tsë höram Espíritu Santu ciëluchö këkaq trönuta rikätsimarqan. Tsë trönuchömi juk tēkarqan.




Tsënöllam wiyarqä ciëluchö këkaqkuna, kë patsachö këkaqkuna, patsa rurinchö këkaqkuna, lamar rurinchö këkaqkuna y llapanpis

Teyta Dios kamashqankuna alabar kënö nikäyaqta: <<Trönuchö tēkaq Teyta Dios y nöpanchö këkaq Achkas imēyaqpis alabashqa këkullätsun!>>




Tsënöllam [noqa Juan] rikarqä mushuq Jerusalén
sagrädu markatapis Teyta Diospa nöpanpita uräkämuqta.
Tsë markam casakunanpaq mushuq ratashninkuna
yakashqa shipashnö kuyëllapaq këkarqan. Tsë höram
wiyarirqä Teyta Diospa trönunpita qaparipa kënö
nimuqta:


<<¡Kananqa
nunakuna
kaqchönam Teyta
Dios täranqa!
Pëkunam kuyashqan
nunakuna kayanqa.
Kikin Teyta Diosmi
pëkunawan kanqa.>>



Tsëpitanam ángel rikätsimarqan wiñëpa kawatsikuq
y kuyëllapaq cristal vidriunö chipapëkaq [tsuya] mayuta.
Tsë mayuqa yarqëkämurqan Teyta Dios
y Jesucristo tükäyashqan trönu chakinpitam.



Kikin Teyta Dios y Achkas atsikyaptinmi intipis ni killapis kanqanatsu.



Tsëmanqa manam yëkuyanqatsu jutsasapakuna,
mana allikunata ruraqkuna ni ulikuqkuna.

Tsëmanqa yëkuyanqa Libru
de la Vidachö shutinkuna
qellqashqa kaqkunallam.
Tsë libruqa Achkaspam.




<<Pëkunata shoqarmi weqinkunatapis
pitsanqa. Wanïpis, waqakïpis,
llakikïpis y jipakïkunapis manam
kanqanatsu. Tsëkunaqa llapanmi
ushakanqa>>.




Kë patsata Teyta Dios maldisishqa karpis tsë
markataqa mananam maldisinganatsu. Tsëchöqa Teyta
Diospa y Achkaspä trönunmi këkanqa.

Sirwiqninkunanam adorayanqa. Tsëchömi Teyta Diospa
qaqllanta rikäyanqa.


Urkunkunachömi
Teyta Diospa
shutinpis
qellqaranqa.



Tsënöllam rikarqä wanuq nunakuna, yachaqpis mana yachaqpis, Teyta Diospa nöpanchö shäkäyaqta. Tsöpitanam librukunata kichar Libru de la Vïdatapis Teyta Dios kicharirqan. Tsë librukunata rikëkurmi rurëninkunamannö nunakunata juzgarqan. Tsëmanmi Libru de la Vïdachö shutinkuna mana qellqaraq kaq nunakunatapis jitëkurqan.



Espíritu Santupis y Jesucristuwan casakunanpaq
shipashpis <<¡Teytallä, raslla ewkamäina!>> nikäyanmi.
Kë libruchö qellqarëkaqkunata wiyaqkunapis <<Teyta,
ewkallämäina>> niyätsun. Yakunaqkunaqa
shayämutsun. Wiñëpa kawatsikuq yakuta qarëlla



Nunakunata alläpa kuyarmi japallan
Tsurinta Teyta Dios kachamurqan.
Tsëmi pipis pëman markäkuq kaqqa
condenashqatsu kanqa, sinöqa
wiñë kawëtam taringa.



Romanos 3:23 Llapan nunakunam jutsayuq kar Teyta Diospa nöpanman chëta puëdiyantsu.

Romanos 6:23 Jutsa rurëqa wanïmanmi apamantsik. Señornintsik Jesucristo noqantsik rëkur wanushqa kaptinmi Teyta Dios alli këninwan salvamantsik nöpanchö wiñëpa kawanantsikpaq.

Hebreos 9:27 Tsënöllum llapan nunakunapis juk kutilla wanuyan y tsëpitaqa juzgashqanam kayanqa.

Efesios 2:8,9 Teyta Dios ankupäkuq karmi Jesucristuman markäkushqa salvacionta qaramashqantsik. Manam kikintsikpitatsu ni allita rurashqantsikpitatsu salvacionta tarirquntsik, sinöqa Teyta Diospitam. Tsëmi pipis alabakunqatsu: <<Allikunata rurashqäpitam Teyta Dios salvamashqa>> nir.



Romanos 10:9,10 Señornintsik Jesucristo mandashuqniki kashqanta nirqa y wanushqanpita Teyta Dios kawaritsishqanta llapan shonqikikunawan creyirqa salvashqam kayanki. Llapan shonqikiwan creyiyaptikiqa Teyta Dios perdonayäshunkim. <<Señor Jesucristuqa mandamaqnimi këkan>> niyaptikiqa Teyta Dios salvayäshunkim.

Juan 3:16,17 Nunakunata alläpa kuyarmi japallan Tsurinta Teyta Dios kachamurqan. Tsëmi pipis pëman markäkuq kaqqa condenashqatsu kanqa, sinöqa wiñë kawëtam taringa. Manam nunakunata infiernuman jitananpaqtsu Teyta Dios Tsurinta kachamurqan, sinöqa pëman markäkuyaptin salvananpaqmi.



1 Juan 5:11-13 Wiñë kawëta qomashqantsiktam Teyta Dios käyitsimarquntsik. Tsë kawëtaqa tarintsik Tsurin Jesucristuta chaskikurmi. Teyta Diospa Tsurinta chaskikuq kaqqa wiñë kawëtam tarin. Mana chaskikuq kaqqa tsë kawëta manam tarinqatsu. Teyta Diospa Tsurinman markäkuyaptikim kë cartata apatsimü wiñë kawëta tariyashqëkita musyayänëkipaq.



Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Quechua, Huaylas Ancash Bible (qwh) © 2018, Wycliffe
Bible Translators, Inc. All rights reserved.

<https://www.bible.com/bible/734/GEN.1.QWHB>

©2025 Bible for Children, Inc.

www.M1914.org

www.bibleforchildren.org

